



Ustavni sud Bosne i Hercegovine
Reisa Dž. Čauševića br. 6
71000 Sarajevo, Bosna i Hercegovina



Pravni fakultet Univerziteta u Travniku
Azapovići br. 439
71250 Kiseljak, Bosna i Hercegovina

Sklopili su 12. maja 2022. godine u Sarajevu

MEMORANDUM O SARADNJI

I

Ustavni sud Bosne i Hercegovine i Pravni fakultet Univerziteta u Travniku, u okviru svojih nadležnosti, a u skladu sa utvrđenim potrebama, vlastitim misijama i razvojnim vizijama, utvrđivaće, realizirati i konstantno unapređivati oblasti i praktične modele međusobne institucionalne saradnje.

II

Ustavni sud Bosne i Hercegovine će studentima Pravnog fakulteta Univerziteta u Travniku omogućiti obavljanje petodnevne prakse u Sudu, koja podrazumijeva upoznavanje studenata sa organizacijom i radom na predmetima iz nadležnosti Ustavnog suda. Navedeno će se odvijati prema unaprijed utvrđenom dogovoru između predsjednika Ustavnog suda BiH i dekana Pravnog fakulteta Univerziteta u Travniku, a u skladu sa raspoloživim mogućnostima Ustavnog suda BiH u datom momentu.

Ustavni sud Bosne i Hercegovine i Pravni fakultet Univerziteta u Travniku, prema vlastitim mogućnostima, razmjenjivaće kadrovske i edukacijske resurse, te uspostaviti modele konstantne razmjene iskustva i informacija stručnog i naučnog karaktera od zajedničke koristi.

III

Realizacija saradnje Ustavnog suda Bosne i Hercegovine i Pravnog fakulteta Univerziteta u Travniku odvijaće se putem odgovarajućih, zajednički utvrđenih i praktičnih oblika:

- učešća nastavnog i naučnog kadra, saradnika, studenata u dešavanjima koje organizira Ustavni sud Bosne i Hercegovine, a koja su interesantna za unapređenje obrazovnog procesa na Pravnom fakultetu Univerziteta u Travniku i realizaciju zajednički utvrđenih koncepata i ciljeva, te učešća predstavnika Ustavnog suda Bosne i Hercegovine u sličnim dešavanjima koja realizira Fakultet, kao i u nastavnom procesu;
- obostrane razmjene informacija stručnog, naučnog i istraživačkog znanja, te, u skladu sa mogućnostima, organizacije i realizacije zajedničkih edukacijskih programa (konferencija, seminara i sl.);

- transfera znanja, iskustva i dobre prakse putem uključivanja zainteresiranih predstavnika Ustavnog suda BiH u izmjene, dopune i razvoj nastavnih planova i programa na Fakultetu;
- praktičnog upoznavanja studenata Pravnog fakulteta Univerziteta u Travniku sa nadležnostima, organizacijom i radom Ustavnog suda Bosne i Hercegovine, u skladu sa međusobnim dogovorom. Obavljanje stručnog i praktičnog usavršavanja može se organizirati više puta u toku akademske godine, zavisno od iskazanog interesovanja studenata i opterećenosti Ustavnog suda BiH i radom na konkretnim predmetima.

Ustavni sud Bosne i Hercegovine može, ukoliko se ukaže potreba za angažiranjem pripravnika, diplomiranog pravnika, tražiti podatke od Pravnog fakulteta Univerziteta u Travniku o studentima završenicima I (prvog) i II (drugog) ciklusa studija. Ključni kriterij za odabir će biti ostvareni uspjeh tokom školovanja u vidu prosjeka ocjena i nagrada koje su dobili studenti tokom školovanja, te učešća na regionalnim i međunarodnim takmičenjima studenata;

- uspostavljanja i realizacije drugih oblika saradnje u skladu sa misijom, vizijom i drugim okvirima na obostranu i općedruštvenu korist.

IV

Izmjene i dopune Memoranduma mogu se izvršiti podnošenjem pisanog zahtjeva bilo koje strane u bilo kojem trenutku. Izmjene i dopune stupiće na snagu kada ih druga strana prihvati.

V

Potpisnici ovog memoranduma su saglasni da će pojedine oblike saradnje, bilo one navedene u članu 3. ovog memoranduma, ili one koji su kasnije dogovoreni, zavisno od ukazane potrebe, razraditi u odgovarajućem Dodatku, koji će na osnovu ovog memoranduma biti sklopljen u pisanom obliku. Odredbe ovog memoranduma koje nisu u suprotnosti sa naknadno sklopljenim Dodacima na odgovarajući način primjenjivaće se na Dodatke.

VI

Memorandum je zaključen na neodređeno vrijeme i stupa na snagu danom potpisivanja. Memorandum je napravljen u dva istovjetna primjerka te svaki od potpisnika Memoranduma zadržava po jedan primjerak.

Predsjednik

Ustavnog suda Bosne i Hercegovine

Mato Tadić




U Sarajevu, 12. maja 2022. godine

Protokol broj: SU-02-373/22

Dekan

Pravnog fakulteta Univerziteta u Travniku

Acc. prof. dr. Džemal Najetović




U Sarajevu, 12. maja 2022. godine

Protokol broj: 01-115/22